

ALLES GSEIT

CA ROHRER DANIEL

Ei Abe wo ni gäge heizue bi gloffe
Hani pār Zuefall no s'paar Kumpels aatroffe
Natürlech simer de ga d'Kehle netze
U hei de afa lyre, afa schwätze

Jede het blöffet, was är alles besser weiss
Lau isch ds Bier worde, d' Chöpf aber umso heiss
Lämpe het's de gä nach em Wysse Wy
Es riise Gschtürm het's de gä derbi
Giele itz gani hei, der Spass isch iz verbi

I weiss nid was ig itz wyter söll lyre - Warum dass ig's immer wieder probiere
Es het doch jede geng si hert Bärner Gring - Es geit nid anders als soo wie geng
...
Es het doch e Jede gäng si Meinig scho ghaa - Nume Ig weiss d'Wahrheit und
die isch klar

I ha di Tuble de la wytregrohle
I bi de gange u ha dänkt das si doch Löle
U plötzlech hanis ganz klar vor mir gseh
Ja i ha se gha, die geniali Idee

I schrybe e Song, wo no niemer je ghört het
Das wird e Grosse-Hit, da hilfi jedi Wett
E coole Beat u ne geili Melodie
Ein solches Lied, das gab's noch nie!
C / C / C / C /
E wissi Syte ligt da vor mir so läär
E Song komponiere, das isch doch nid schwär
Nüt Nöis isch mir meh i Sinn cho
Verlaa het mi d'Inspiration

Weiss nid was i hie no chönnt singe - Weiss nid was i hie no nöis chönnt bringe
Es isch doch alles scho längschtens verzellt - Es isch doch alles scho
längschtens gseit
...
Es isch doch jedes Lied scho längschtens ggsunge - U jede Ton scho lang
verklunge

Isch jedi Fläsche uus trunke - u scho dänkt jede Gedanke
Isch jede Bärg scho erklumme – isch jede Wäg scho ggange
Isch jedes Täller läär gässe - die grossi Liebi vergässe
Isch jede Himmel scho abegheit - U jedes Wort würklech scho gseit?